

A Casa do Reloxo de Baiona será reconvertida nun viveiro de empresas por Zona Franca.

Escrito por Redaccion @valminorinfo
Xoves, 18 Decembro 2014 18:09



O pleno de Zona Franca aprobou onte mércores a compra da Casa do Reloxo por un total de 165.000 euros . A antiga casa do Concello de Baiona até mediados do século pasado, será destinada a un viveiro de empresas tralas reformas necesarias segundo foi informado aos medios. O ben foi adquirido á Tesourería Xeral da Seguridade Social, actual titular do inmovible. O edificio acollerá un Centro de Iniciativas Empresariais que reforzará na bisbarra o xa existente en Porto de Molle, tamén administrado por Zona Franca. As obras necesarias para remodelar a Casa do Reloxo necesitarán "dunha forte inversión", superior ao valor actual do inmovible, aseguran dende Zona Franca.

O novo viveiro estase a proxectar coa colaboración da Fundación Incyde, e segundo adiantan, para a súa posta en marcha se esperan obter fondos FEDER.

Respecto ao patrimonio do consorcio nas inmediacións de Porto do Molle, tamén se acordou a venda ao Concello de Nigrán dunha serie parcelas, con una superficie aproximada de 5.564 m², ao prezo de adquisición pagado no seu día polo Consorcio máis a correspondente actualización. Esta venda se realiza para mellorar o acceso ap punto limpo e á depuradora de do municipio, segundo foi explicado no pleno celebrado por Zona Franca.